

47707
2

შანიშვენი

სურსიძის (ისარლოვი)

გუბრის ისტორიისა

და

ახალციხის აღწერა

მუსხი იუ. შდ. კვარაცხელიძის.

ტფილისი

სტამბა „იდეალი“ (შ. ღ. კიკნაძის) ნიკოლოზის ქუჩა, № 6.

1906

M

შენიშვნები

სურსიძის (ისარლოვი)

გვარის ისტორიისა

და

ასალისის გვარები

Handwritten vertical text in blue ink:
სურსიძის
გვარების
ისტორიისა
და
ასალისის
გვარებისა

მესხი იუ. შდ. გვარამიძის.

თბილისი

ს.კამბა „იდეალი“ (მ. ჯ. კიკნაძისა) ნიკოლოზის ქუჩა, № 41

1906



შენიშვნები ხუროთმოძღვრების (ისტორიის) ისტორიისა

ჩვენს დღიდან მოღვაწე მშრომელს ბ. ზაქარია ჭიჭინაძეს შეუმატებია ჩვენის საქართველოს ისტორიისათვის უკეთესი თვალ-საჩინო ისტორია კიდევ, მაგრამ საშვალეების უქონლობით ზოგიერთი ნაკლოვანება შეჰპარვია უნებურად, რაც აუცილებელია საზოგადოდ ყოველი კაცისათვის. უნაკლო და უუსრულებელი მხოლოდ ერთი ღმერთია! „ქრისტიანობის გავრცელების შემდეგ დამ ქართველთ შორის მოიპოო ძველი სახელები ქართველ კაცთა და დედაკაცთა“... 3 გვ.

— არ მოსპობილა ძველი სახელები არც კაცთა და არც ქალთა, პირიქით პატივისცემაშია დღესაც მის შესაფერად, კონო, კრონო, რამაზა, არმაზაზი, არსა, არისი, აბულა, აბულონი, არტემა, ოტია, კაკო, გელა, ტურა, ლომანა, ნადირა, ძაღლუა, ამრეზა, მარჯლა, რუხა, წარბა, ბერუკა, დათვა, სუქია, მახარა, თელია, დარჩია, გოგია, მამულა, თავდგირა, საყვარელა, ნონო, კოხტა, გოდორა, გოდერა, გულო, სულია, ჯობია, ძამია, ბადო და სხვაც მრავალი სოფლების სახელები და სხვა და სხვა გვარებისა. ასრევე ქალის სახელები: მზისანდარა, ასთანდარა, გულსუნდა, ყაყაჩო, ვარდუა, თვალშვენიერი, ლოყაწითელი, თეთრუა, ვარდიგულა, თინა, თუთა, ბანგიანი, გედო, კაკლო, ლელო, ნათელო, გუნდო, გულისა, ძუძუნა, გულგული, თამარა, დედნო, ქალამაისა, იავუნდა, თინათინა, პირვარდი და სხვაც ამისთანა მრავალი დარჩენილი ძველის-ძველ ისტორიულ-არხეოლოგიურ სახსოვარ ნაშთებთან ერთად დარჩენილი ჩვენს ცნასა და ზნეობასთან ერთად შეუტყვევლად! „ავარიანთა პირის დამყოფელსა

ხურციძესა პატრონსა ფარსმანისა სულსა მისსა განუსვენოს და შეუნდოს ღმერთმან. მღვდელმთავართ მთავრობისა ხურციძესა პატრონის მიტროპოლიტობასა სფირიდონისასა ქენს სე“.

— მე რამდენჯერ წამიკითხავს ასე დაახლოვებით: „ქ. აღეშენა წმიდაი ეკკლესია სახელსა ზედა წმიდისა ივ. მახარებელისა ნებითა ღვთისათა და ბრძანებითა ყოველ ქვეყანასა სახელგანთქმულისა აგარიანთა პირის დამყოფელისა ხურციძისა პატრონისა ფარანისათა, სულსა მისსა განუსვენოს და შეუნდოს ღმერთმან. მღვდელთ მთავართ მთავრობისა ხურციძისა პატრონის მიტროპოლიტობასა სპირიდონისასა ქენს სეე“.

ჩემს ამოკითხულში ორი განსხვავებაა, ერთი ფარსმანისა, რომ ფარანათ იკითხება. ვნახო ფარანი ხმარებული სახელია ფარსმანისავეითა თუ არა? მე მგონი მთაფარავანი ჯავახეთის მთაფარანი უნდა იყოს. წამხდარი ენით შემდგომ მთაფარავანათ დარჩენილა. მეორე განსხვავება ქრონიკონში არის ს. ე. ე. რაც შეეხება სიტყვებს“. ყოველს ქვეყანასა სახელ განთქმულისა აგარიანთა პირის დამყოფელისა არ ჰნიშნამს მაჰმადის სწავლა-მოძღვრების დარღვევასა მწერლობით, როგორც ჰგონია მე-22 გვერდს, არამედ ძლიერ მეომრობით მრავალგან მაჰმადიანთ დამარცხებასა, 996, რა მოკვდა ბატი ამირა აპაჰუნისა. გაილაშქრა დავით მეფე კურატპალატმან და შემოადგა მანასკერტის ძლიერ ქალაქსა, დიდხანს ებრძოლა ფიცხლად, აიღო ქალაქი, გასდევნა უცხო თესლნი და დაასახლნა (სასომხეთოში) ქართველნი და სომეხნი მცხოვრებნი თავის სამფლობელოს, როგორც სწერს მ. მიხ. ჩამჩიანი.

3. მთელის კოხაძის გვარის სახლი და ადგილები წურწყაბელის საეპისკოპოსო საბრძანებელში ყოფილა მოქცეული. — არა თუ მარტო წურწყაბილის საეპისკოპოზოში იმავე აწყვრის სამიტროპოლიტოშიც ყოფილა გავრცელებული, რადგან მრთელი ქვაბლიანის მაზრა გურიამდის მაწყვერელ მთავარ-ეპისკოპოზის საეპარხიო იყო.

4. „ხურციძეებს ძველად სხვა გვარიც სწოდებიათ კოხა-

ძე. ხურსიძეზედ უფრო ძველია... ქვაბლიანში კი ძველადვე სეტყვა ერთობ ხშირად სცოდნია“ 15 გვ.

— კოხი-ჯვარის მთა ფოცხოვშია და სოფელიც, შეიძლება იმ კოხის მთის ძირის სოფლის მეზატონე ყოფილიყოს მათი წინაპარი და კოხაძე რქმეოდესთ, ხშირი სეტყვაც უფრო ფოცხოვში იცის.

5. უნდა მოვიხსენიოთ ისიც, რომ ახალციხეში, ზოგიერთნი ამ გვარის წევრთ კრუხიჭამიანთაც უხმობენ. 15 გვ.

— მართალია არა ზოგიერთნი მარტო, არამედ ყველა საერთოთ კრუხიჭამიანთ უძახდნენ; მიზეზი ეს არის, როცა გარდმოსახლებულან ქ. ახალციხეს თუ მას გარეთ უბანს ივლიტას ს. საძლითგან ან არყი ციხიდგან, სადაც დამდგარან, მოახლეებს კრუხი დაუჯდენიან, შესჩვევია თრითინა და რამდენიმე კრუხები დაუხჩვია კვერცხებზედა; ამის გამო მეზობლებს კრუხიჭამია დაურქმევიათ, გაფანატოცებული მაჰმადიანებიც ხომ სანთლით ეძებდნენ ამნიარ მეტ სახელებს შესასაკუთრებლად დიდ გვარიშვილთა. მაშინვე სახელმწიფო დავთრებში შეიტანდნენ, რომ გადაევიწყებინათ ხალხისთვის მათი საპატიო წოდება, ახალ წოდებით დამცირებულ იყვნენ, რათა მომავალში აღარაფერზედ ჰქონოდათ გავლენა მთელი საზოგადოების თვალში, აღარ წამდგარიყვნენ არსად არც დიდკაცობასთან და არცარა სამართალში. მართლა ყველგან კრუხიჭამიანთად იწერებიან ¹⁾ თუ საეკლესიო დავთრებში და თუ სამოქალაქოში! ახალციხე 12 უბნათ იყო განაწილებული ციხის გარეთ, ამათში მარტო 3 უბანი კათოლიკეთ გვარის კაცებით იყო დასახლებული; ნურალიანთ უბანი, სადაც ახლა ქართველები არიან, ზემოთ წმ. ჯვრის ეკლესიასთან, კრუხიჭამიანთ უბანი პატრებიანთ ეკლესიასთან. ერთიც ხაჩაფარალი უბანი, ე. ი. ჯვრის მსახურთა, სომხებია წ. სტეფანეს ეკლესიის მხარეს, დანარჩენი, ქაშიბის უბანი, ლელის უბანი.

1) ზოგჯერ კრუხათაც უწოდებენ პატრიარქისთვის წერილებში.

ჯირით მეიდნის უბანი, გუმბათის უბანი ხიდთან, ზემო უბანი და სამიც ეკკლესია, პირველში ქრისტიანენი მდგარან ზ მერმე გამოუდევნიან ქრისტიანენი და მაჰმადიანებს დარჩენიან. უნდა ვთქვათ, თუ რათ უცვლიდნენ ქრისტიანებს ძველ გვარების სახელწოდებასა, უიმისოთაც ხომ მათი სიგელები და წერილები ჩამორთმეული ჰქონდათ წინათვე ზ აღარ აუფლებდნენ მათ მამულდედულზედა? ¹⁾ მართალია, მაგრამ ზოგიერთი საკუთრებანი შერჩენოდათ სოფლებში, როგორც ბაღია, წისქვილი, ყანა, ჯალა და მისთვის ყასრიათები მიეცათ მფლობელობისა პირვლანდულის სახელწოდებითა, უფლოიდენ და სარგებლობდენ იმ პირველი სახელწოდების სიმართლითა და როცა სახელი შეეცვლებოდათ, ჰკარგამდნენ მაშინ ყოველ უფლებასა. მაგალითად, ისარლოებს რაც მამულდედული და საკუთრებანი ჰქონიან, პირველ სახელწოდებით უსარგებლიათ და როცა წოდება გამოსცვლიათ, მოსპობიან უფლებაცა. ასეთს მაგალითს ჩვენს ჩამომავლობაში ვხედავ, როცა აწყვრითვან აუყრიან ქრისტიანენი, ჩვენი განყოფობა ერთი ახალციხეს მოსულა, მეორე ხიზაბავრას ასულა ჩვენ მამულში; აწყვერსა ყოფნისავე, რომ არ გამაჰმადიანებულან, ყოველი უფლებები ჩამოუცლიათ და მხოლოდ ბაღია, წისქვილები და ყანა-ჯალის ზოგიერთი უფლებები რომ დაუტოვებიათ, ყასრიათები მიუციან ზოზოშვილების წოდებითა, ჩვენი წინაპარის ზაზა თუ ზოზია გვარამიძის სახელობითა. ეს ყასრიათები რჩებათ ჩვენს განყოფს ხიზაბავრას, სარგებლობს ერთ ხანს ამ ყასრიათებით; ის ერთი მოსახლე თავის შვიდი ვაჟისა შვილებითა მრავლდებიან, რა ერთად ვეღარ თავსდებიან, იყრებიან და სულ ცალ-ცალკე გადიან, მაშინ უსპობენ მათ ძველ წოდებას და სწერენ თავიანთ სახელით, როგორც ახალ მოსახლეთა: 1,

¹⁾ ახალციხის კეთილშობილთ ჩამორთმეული სიგელები ანატოლის ქ. ქოთაის საწიგნე არხივში შენახულია, აღრე სტამბოლად ჰწოდებულ.

ზურაბაშვილათ, 2, გელაშვილათ, 3, დათაშვილათ, 4, მამუ-
კაშვილად, 5, მექოშვილად, 6, გორელიშვილად, რომ ერთ
ხანს გორს თავის ნათესაობაში გვარამაძებთან ყოფილა; და 7,
ლექოშვილათ, რომ ლექებს ტყეთ წაუყვანიათ, გამოჰქცევია
ლექეთთაგან. ეს ხსენებული 7 ძმების სადგომი დარბაზი ჯე-
რაჯ ისევ მრაველია, სადაც შობილან და უცხოვრიათ ერ-
თად, ზოზოთეულ დარბაზს უძახიან დღესაც. აქ ხიზაბავრას
კოშკიც გვქონია, მის ადგილას ახლა ეკლესიაა აღშენებული,
ასრვეე ყანებს, ვენახს ზოზოთეულათ ასახელებენ, იმათაც ასე-
თი სახელების გამოცვლით გამოსცლიან ხელითგან ყოველი
უფლებები სხვა და სხვა სოფლებში ქონებული!

6. „ვახუშტის თქმით ძველ საქართველოს მთავრებს და
მოხელეებს თავიანთ თანამდებობის სახელი XII საუკ. ზოგს
გვართაც ეწოდათ, მაგალითებრ, როგორც სამეგრელოს და-
დიან მთავარს რომელიც კარითგან კარს დადიოდა და ამი-
ტომ გვართაც დადიანი ეწოდაო“ 13 გვ.

— არა ბატონო, დადიანთ წოდება პარსების მეფეების
დიდებულ კარის კაცების ერთრიგი მაღალი წოდება არის,
მათგანვე საკუთრად მიცემული; მგონი მე-V საუკუნოებაში,
გობაძის მეფობის დროს, რომელიც თამარის დროს უფრო
პატივდებაში გამოქვეყნებდა; ამიტომ სომხებიც არიან დადი-
ნები კოსტანდინეპოლს!

7. „გაბრიელ წინამძღვარი ძე შოთა ყოფილის შიო ხურს-
სიძისა. ამ გაბრიელ წინამძღვარის სახელს მოიხსენიებს რო-
გორც ზარზმის ეკკლესიის სამრეკლოს წარწერა: „24 — გაბ-
რიელ წინამძღვარი ძე შოთა ყოფილის შიო ხურსიძისა, დაწე-
რილია მხოლოდ ზარზმის ეკკლესიასთან და არა თუ ზარზმის
ეკკლესიის სამრეკლოს ზედა.

8. „თუმც დიდი უძღურება უნდა ყოფილიყოს ამათ
კარზედ მისული (ოსმალთაგან), მაგრამ მათგარში მაინც
თითოროლდა ხელოვანნი მხედარნი და მწიგნობართ-მწიგნობარ
მღვდელთ მთავარნი თვით XVIII საუკუნის გასვლამდისაც კი

არ გამოლევულან, როგორც ხურსიძეების კათოლიკის სარწმუნოების დაკავშირებადმდე, ისე მერე, მას შემდეგაც, როცა იგინი კათოლიკობას დაუკავშირდნენ“ იქვე 25 — 26 გვ.

— აქ ეს მტკიცედ უნდა ვიცოდეთ, რომ ხურსიძენი თავითგანვე სახელოვანი მეომარნი ყოფილან და მტკიცე თავიანთ კათოლიკე სარწმუნოებაზედ, ესენი არასოდეს მიმხრობიან ბერძნის აღსარებასა. მთელი საქართველო თამარ დედოფლამდის კათოლიკეთ იყვნენ რომის წ- პეტრეს ეკლესიის მორჩილად, თამარ დედოფლის მეორე უწესო ქორწინების მიზეზით შეირყა კათოლიკობა საქართველოში კყონდიდელი ანტონ გნოლის ძის მაცდურობითა წინააღმდეგ მიქაელ კათოლიკოზის მსჯავრისა, რაზედაც ბოლოს თამარ დედოფალი ცხვირში იცემდა¹⁾, სამეცხეთოში კი ერთიან არ მოსპობილა კათოლიკობა აწყურს, ახალციხეს, ოცხეს, ვალეს, არალს, უდეს, ბოლაქურს შეურყევლად დარჩენილია დღემდის. ასრე ჯავახეთს, ართვინს, არტანუჯს და შავშეთში, რომელთაც ღვთის მადლი დარჩენიათ, რომელთაც არა გამაჰმადიანებულან მართლ მადიდებლობაში თავიანთ სასულიერო პირთ ყურადღების მიუქცევლობითა“.

9. „აღშენდა ესე წ- ეკლესია სახელსა ზედა წმიდისა ივ. მახარებელისა ნებითა ღვთისათა და ბრძანებითა ყოვლისა ქვეყანასა სახელ განთქმულისა აგარიანთა პირის დამყოფილისა ხურციძისა პატრონისა ფასნისაითა (ფარსმანი), სულსა მისსა განუსვენოს და შეუნდოს ღმერთმან. მღვდელთ მთავართ მთავრობასა ხურციძისა პატრონისა მიტროპოლიტის სპირიდონისა ქნს. სჲ. უკვირს ერთიცა და მეორეცა. ჩვენს ისტორიაში ძლიერ 20 გვ. მცირეთ არიან ცნობილნი, ამათ არც საქართველოს საეკლესიო ისტორიაში აქვსთ დათმობილი ადგილები და არც ქართლის ცხოვრებაში“ იქვე.

1) იხილე ქართლის ცხოვრების 1 ტომის 336 გვ. 311 ან „მოგზაური“ 1902 წ. მარტის № 3, 167 — 168 გვ.

— მე წამიკითხია ძველ დაბეჭდილს ნარკვევში ქართლის ცხოვრებისა, „ქართველთა შურითა გამოაკლეს სამცხეთოს ისტორია და არ აღწერეს ქართლის ისტორიაშიო“ ! ქართლის ისტორიაში, რომ არ აღწერილა, არც საეკლესიო ისტორიაში შეუტანიათ, მათთან ერთად სმადის ეკკლესიების წარწერაც თუ არ არის შეტანილი, ცხადია რომ კარგახანს ეს კუთხე კათოლიკეთ დარჩენილა. აღარ მიმხრობია ქართველთბერძნების აღიარებაში და მისთვის მოსძულეობიათ და თვალითგან გამოუგდიათ ეს მხარე. აი ასე სწერია ერთს ეკკლესიაზედა კამარედად : „ამ ეკკლესიის აღმაშენებელს ერისთავთ ერისთავის შაბურის ძეს მაწყვრელ მთავარ ეპისკოპოსს შიოს და მშრომელთა მისთა შეუნდოს ღმერთმან, ქკნს. რმგ. ზეითგინ ასე აწერია : „წმიდაო ღმერთო შეუნდე სულსა შენისასა“. ამავე სმადის მეორე ეკკლესიაზედ.

ესეც კამარედად : „სახელითა ღვთისათა აღეშენა ესე წმიდაჲ ეკკლესიაჲ იოანე მაწყვრელ ეპისკოპოზისა ხელითა კიესისა ხეობასა, ქრისტე განუხვეწე სულსა მშობელთა მისთა“. ამას ქორონიკონი არა აქვს.

ამათ კათოლიკობას ამტკიცებს რკონის სიგელი დაწერილი, 1259 წელს, როცა სწყევლის სიგელის შემშლელთ ამბობს: მოციქულთა ჯვართა, შვიდთა კრებათა ჯვართა¹⁾ და ხუთთა პატრიარქთა ჯვართა და მადლითაო. მათ შორის რომის პაპიც იგულისხმებაო, 2 წიგ. 140 — 141 გვერდი ქრონიკ. თ. ჟორდანისი. ამასვე ამტკიცებს თამარაშვილის ისტორია: სწერს, რომ არცერთ სოფლებში პატრები არ ყოფილან მისონერად, გარდა ველის სოფლისაო. უდგე, არალი, ბოლაჟური და ოცხეც ხომ კათოლიკებით გაშენებული ყოფილა უწყვეტლივ, ამ ქვაბლიანის მაზრაში.

დაგვრჩა ჩვენ ახსნა ხურსიძის მნიშვნელობისა, ესე ხურსი კახაძე უნდა იყოს, რომლის ჩინებულობით მის ჩამომავალთ

1) ამ VII კრებაში განიკვეთა ფოც პატრიარქი და შეწვენებულ იქმნა.

ხურსიძე სწოდებიათ. ხურსი არაბულათ ლხინ-სიხარულია, ან მამლხენ მამხიარულეებელი მეფისა, ან მთავრებისა წვეულობით თუ ნადიმითა უნდა ყოფილიყო ან სამეფო სასახლის გამგე მმართველი. თუ ყურსი ვთქვათ, ნიშნავს მაგარ მკვრივ რამეს მაჰანგსა. ან მეტალის ზოდსა, ან 400 სიკლის წონას, 18 გირვანქას და 22 მისხალს, ესეც არაბული ლექსია დავით მეფე კურატპალატის მკრელნი ყოფილან თუ ფულის მკრელთ მეთაურნი გამგე გამრიგებელნი და მასთან ომ ბრძოლის კარგად მცოდნე დახელოვნებულნი, რისთვისაც ფოცხევის და ქვაბლიანის ციხე-კოშკნი მათზედ მინდობილი ყოფილან, ფოცხოვში მერის ციხე და ქვაბლიანში ალთუნაყია (ღადოსციხე), ხომ ვნახეთ ქვაბლიანში რაც უღვაწიათ. ფოცხოვშიც სახელოვნებენ, როგორც სწერს ვახუშტი ებისკოპოზების ეპარხიებს თვითოეულათ: „წურწყაბლის სამსწყსო ხურსიდის სახლი სულ ბოცოსხევი, ხერთვის ქვემოდ სულ მისია“! აგერ ამ ნაწილში შედის რუსთავი, ლობიეთი. საძელი და არყის ტყე, ხურსიძეების ყოფილი, მიდამ საკუთრებითურთ. მაშ რუსთაველი შოთას ხურსიძეობა აღარ უნდა გაგვიკვირდეს, როზარზმის ეკლესიაზედ წარწერია თავის ცოლშვილიანად. ვახუშტი მცხეთის ეკლესიის შეწირულობაზედ, რომ სწერს სამცხეთოს თავადებისა, სხვათა შორის იხსენიებს ასრე: “ერისთავს ხურსიძეს აქვს ღობიერნი (ღობეთი) სასაფლაო მონასტრითა და კარის ეკლესიითა“. ამიერიდგან ცხად სჩანს თუ რამოდნად დაწინაურებულნი უნდა ყოფილიყვნენ ხურსიძენი სამცხეთოში მეციხოვნობის გონივრულის გამგებლობითა, რომ ვიდრე ოსმალოს მთავრობაც ძალდატანებული ხდება მათ კეთილ მოღვაწეობისაგან, რომ ისევ ქრისტიანობის დროის მეციხოვნობის და ჯაბხანის გამგებლობის უფლებას აძლევს და ასახელებს ისარლი ციხეების მქონებელთ ტიტულითა!

10. „აქ ერთი საკითხი მხოლოდ ის რჩება, რომ 1580—1587 წ.წ. სჩანს ხურსიძეების წევრთ ზარზმის ტაძრის მფარველობის აღარაფერი ძალა ჰქონიათ, რომ ესენი შელევინ

ზარზმის ძვირფას ნივთებს და ნება მიუციათ გურიაში გადატანის — 32 გვ. — უწინდელის მისიონერების შრომას და კათოლიკობის გავრცელებას ბოლო მოელო სამცხე საათაბაგოში ოსჩალების შემოსევით. ჯერ სულთან სულეიმანის ომებმა (1520 — 1566) წ. შახთამაზის წინააღმდეგ სამცხე-სათაბაგო გააოხრა და კათოლიკე ეკლესიები სულ დაანგრია. ამას თანამედროვე მგზავრი მინადოი, როდესაც ჯავახეთ ახალქალაქის ახლომახლო ადგილებს აღვეიწვრს, მოგვითხრობს ასე: „აქ ბევრი სჩანს დიდი ქალაქისა და ეკლესიების ნანგრევები, რამდენიმე ეკლესია საკმაოდ შეაკეთეს კეთილმა პირებმა და მათში ასრულებენ კათოლიკე მღვდლები რომის წმიდა ტიბიკონს; ესენი არიან იმ მღვდელთაგან (მისიონერთაგან) დანაშთნი, რომელთაც სარწმუნოების მადლით აღჭურვილთ გარდაიარეს მთანი და ზღვანიო. ამ ეკლესიებს თავიანთ მოძღვრებითურთ სრულიად ბოლო მოელო მუსტაფა ფაშის ჯარის შემოსევით 1577 წ. ისტორია მოგვითხრობს, რომ იმ დროს საქართველო გაოხრებული იყო და უსჯულოები გაბატონებულიყვნენ. ოსმალების გაძლიერებას და გაბატონებას ხელი კარგათ შეუწყო სამცხის მთავრის ქვრივი დედის იმედის შვილის მანუჩარის გამაჰმადიანებამ. მანუჩარმან ამ საშვალეობით თავისი უფროსი ძმის ალექსანდრესთვის ჩამოართმევინა ათაბაგობა და თვით დაიწყო მმართველობა... წინადაცვეთილი იქმნა მანუჩარ და ეწოდა სახელათ მუსტაფა. მიიღო ტიტული ფაშობისა და იქმნა გამგე ალთუნყვლისა და იმ ყველა ადგილებისა, რომლებიც ეკუთნოდენ თავის დედას და ძმას!“ იხილე თამარაშვილის პასუხი მწერლებს, 203 — 204 გვ. სწორეთ ამ დროს ჩამოეცალათ ალთუნყალა ისარლოებს და გაბატონდნენ ოსმალოები. მის გამო ზარზმის ტაძარი და სხვანი დაიხშნენ და მიეცა ქვეყანა დღითგან დღეზედ უფრო უარეს აკლება-აოხრებასა. იმ დღითგანვე გამოეცალნენ ისარლონი ქვაბლიანს და გარდმოვიდნენ თავიანთ მამულში არ-

ყიციხეს და საძელს, მთელ ზაფხულს სოფლებში ცხოვრობდნენ და ზამთარს ახალციხეში.

11. „ამის აღმაშენებელსა წინამძღვარსა ხურსიძესა გაბრიელსა შეუნდოს ღმერთმან, მისსა დედასა პატრონისა ივანეს ასულსა გულდა-მყოფილსა გაიანეს შეუნდოს ღმერთმან“. მისსა მამას შოთა ყოფილსა შიოს შეუნდოს ღმერთმან: — აქ ცხადად სჩანს, რომ როგორც შოთა რუსთაველი ბერად შემდგარა და სწოდებია შიო, ისე მისი მეუღლე გულდამიც მოლოზნათ შემდგარა და სწოდებია გაიანე, ერთსა და იმავე დროს. შოთა რუსთაველის ხურსიძეობა უფრო იმითი მტკიცდება, რომ თამარ დედოფლის მეჭურჭლეთ უხუცესობა ჰქონია თანამდებობად, რაც თანასწორ ნიშნავს, როგორც ხაზინადრობას, ისე ჯაბხანობის გამგებლობას, რადგან გვარმოდგმით ეგრეთ თანამდებობაში დაწინაურებული ყოფილან ყოველთვის საქებურად.

12. „მოხვევს ძეთა, ჩახრუხას ძეთა, აქო თამარი შეფე სვიანი“.

— წამიკითხია მეღქისედ კავკასიძის ხელ ნაწერი და ეს ბოლო მუხლი იქ არ ეწერა. ეს მუხლი პლატონ იოსელიანმან რომ დაბეჭდა იმის დაბეჭდილში აღმოჩნდა, რამოდნად შორს არის ხეველი კაცის მოხვევით დაწერა, სხვის საკუთრების შეთვისებასავე. როგორც შოთას ითვისებდენ ადრე კახელები ჩამდგვილ მესხს, ისე მოხელ მესხს გრაგორ ჩახრუხაძეს ათვასებენ სეველებს კავკასიისა. ჩახრუხაძე მოხევაა. მოხე ქვადღაინას თაჟშია, მთას ძირს, სჯდაც ქართულია დღესაც მათში წმადედ შეჩხუღაი, ისე როგორც ზეგანში უფულ სოფელისა. მეჩხრეობა არსად არ არას სქართუელთა ისე დაწინაურებულა, როგორც ფოცხეკესა და ქვადღაინში, ჩახრუხაძე ისევე ჩახრია. ნაქებია აქურთა მოჩხრუღაი ეკვნება ჟედაც, რომ მოდგმათ მისა მოხელე ეფილან, თხზულებას კადაც მესხურ-ქართულია, მსგავსა შავთელის, რუსთაველის და სარქის თმოგველისა და სეველა სითგანდა აქმნება მოხელი კაცა. სწორეთ მას თხზულებას მსგავსებამ

იქმდის შაიფვანა მეტნაევი ზროფესორი მადა, რომ შოთა რუს-თაველას ოსზულებათ ეკონა!

13. „მანუჩარ მესამე სტამბოლს წავიდა, სულთანი ნახა და საქართველოს შესახებ მოლაპარაკება გამართა. უკანასკნელ პირობა შეჰკრეს, სულთანიმა ქრისტიანობით დაამტკიცა და პირობა დავსდეთ, რომ დღეის შემდგომ ქართველთ გათათრებას თავს დაანებებხო. ჩვენ მასთან ხარჯის მიცემის მეტი სხვა აღარა გვექნება რა გარდასახადიო.

ბექას გულში ბოროტება ჰქონდა, ვახშამხედ ბიძას საქმელში საწამლავი შეაპარა და მოწამლა. „ათაბეგ მანუჩარი გათენებამდე საწამლავით გარდაიცვალა“...

— აქ შეცთომილებაა. ბექა ბიძა იყო მანუჩარისა და მანუჩარი მისი ძმისწული იყო. „არამედ იხილა (მანუჩარ) შემდგომ შემდგომითი შფოთი ესე ვითარნი და არღარა რაი სხვა ღონე შეწვენიისა, ამისთვის წარვიდა სტამბოლს წინაშე ხონთქრისა... ხოლო მანუჩარ შეიწყნარა ხონთქარმან, მოსცა ქრისტიანობით ათაბაგობა და წარმოავლინა, არამედ მოგზაურს მომავალსა დახვდა ბიძა თვისი ბექა, რომელი პირველ წარსრული იყოფებოდა მუნ: ამან ბექამ ისტუმრა და კეთილად შეიტკბო მანუჩარ: გარნა განმზრახველ მან ოსმალთა მძლავრებისა მან და თვინიერ მათსა სხვისა ღონისა არღარა რისამე შემძლებელმან, შეურთო საქმელსა მანუჩარისასა სამსალა და მოჰკლა მანუჩარი და თვით მივიდა სტამბოლს, იქმნა მაჰმადიან, მოსცა ათაბაგობა და ყოველი საზღვარი სამცხე-საათაბაგოსი და უწოდეს საფარ-ფაშა და პატივი სცეს ორითა თულითა, მერმე წამოავლინეს და მოვიდა სამცხეს. ქს. ჩქვე.“
ჩუბ. 2. 167 გვერდი.

14. „საფარ-ფაშა მალე მოვიდა თათრის ჯარით ახალციხეს და გაბატონდა 1626 წ. შემოიღო სრულიად ოსმალური ენის ხმარება“ 51 გვ.

— დიად რა გაიდგა ფეხი და დამტკიცდა მკვიდრ ფაშათ, გაამრავლა მაჰმადის მოქადაგენისაფარ ფაშამ, ყველგან

დილა საღამო დადიოდნენ დუქნებ-ბაზრებში, მეიდნებზედ და უბნებში ძალად თავს იხვევდნენ, ქრისტიანებს უქადაკებდნენ, აგულიანებდნენ ხან ტკბილად, ხან მწარედ და ხან დამუქრებით ნაირ-ნაირ სასჯელისა და სიკვდილისაცა, რომ გამაჰმადიანებულ იყვნენ, რითაც მრავალნი საწყალნი ხალხნი შეაყდინეს, მაგრამ უფრო უმრავლესნი მტკიცედ დარჩნენ წესარწმუნოებაზედ, ყოველი მძლავრული ღონე საშვალების ხმარების შემდგომ, რომ ვერ მიიზიდეს კათოლიკენი, აჰყარეს ახალციხიდან და ივლიტას გაჰყარეს ყველა და ეკკლესიანი სამივე სომხებს მისცეს! დატრილდნენ კათოლიკენი ძმურად და ცოტა ხანში, 600 დუქნები გაამწკვრიეს წყრუთის წყლის შეყოლება გაღმა-გამოდმა წყრუთის ხილამდის, ურთი ერთის დახმარებით ისე გააცოცხლეს ვაქრობა, რომ სოფლის ხალხი, აქარლობა სულ ივლიტას მიდოდა, რითაც ახალციხის ვაქრობა დიდათ დაეცა. ათიოდე წელს ასრე წინ მიდოდნენ, საფარ ფაშის სიკვდილის შემდგომ უსუფ ფაშამ თხოვნით მუდარებით ისევ ახალციხეს გარდაიყვანა უმრავლესნი კათოლიკეთ ვაქარ-ხელოსანნი, ზოგნი კი ისევ ივლიტას დარჩნენ, სომხები გამოსდევნეს ეკკლესიებითგან კათოლიკებმან და თივიანთ ეკკლესიები ისევ თვითონ დაინარჩუნეს.

15 „ამის (საფარფაშის) დროს შემოვიდა და განწესდა ბეგობა, აღობა, ალაიბეგობა, სანჯახბეგობა და მრავალნიც სხვანი“. — აწყურის ქალაქის მთელი კათოლიკობა აჰყარა, ვაქარ-ხელოსანთ ივლიტას მოჰმართეს, მებაღე მევენახეთ, მუშათ და მხნელ-მთესველთ ერთხანს დვირს შეიფარეს თავი და მერმე ს. ასპინძას მივიდნენ, შეაკეთეს ხვილიშის ეკკლესია და გააშენეს ვენახიცა, ერთხანს იცხოვრეს მშვიდობით, მერმე აღარ გაახელინეს თვალი ოსმალთ ავაზაკებმან, მეტადრე აწყვრელ ქალიმანჯა-ფენდმან თავისი ბრბოებით უწყო მალმალ ტაცვა-გლეჯვა, რომ ველარ შეიძღეს იქ დგომა ხიზაბავრას ავიდნენ ზოგნი და სხვანი გოკიას ხელოსანნი (მე ვნახე წერილი აწყვრელ აფენდისთან, ეს ქალიმანჯა აფენდი არა

მარტო ციხეებს და ეკლესიებს აქცევდა, ყოველ ვაჭრებს მგზავრებსაც სცარცვამდა, რისგამოც საჩივარი იყო მასზედ ხვანთქართან, 1675 წ. მიცემული ახალციხელი მდიდარ მაჰმადიანებისგან თხოვდენ მოგვაშორეთ).

16. მათ (ისარლოებს) ისე ჰყავდათ დამონებულნი, რომ ივინი მათ, არამც თუ ორგულებას დასწამებდნენ რამე საქმეში, არამედ ხშირათ წყალობის ფირმანსაც აძლევდნენ კარგის სამსახურისათვის, ამის მაგალითს წარმოადგენს 1732 წ. მიცემული სულთან მაჰმადისაგან საგვარეულო წევრთა მადლობის წერილი, სადაც ხურსიძენი ოსმალეთის ერთგულად არიან მოხსენებულნი. 56 გვ.

— ეგ აგრე არის, ოსმალეები ენდობოდნენ მისთანა გვარი შვილებს, რომელნიც მამაპაპით თავითგანვე მეფობის დროს დიდათ განთქმულნი იყვნენ კეთილშობილურის ყოფაქცევითა ამას ამტკიცებს ახალციხელი ნასყიდობის სიგლები სახლები-სა, ერთი ქკნს. ტნივ. 1678 წ. ამ სიგლის მოწამენი არიან ნაზირი ზაალ 0. ქალაქის მელიქ ავთანდილ, 0. მამასახლისი ნაზარ, 0. ნაცვალი დავით შერგილაშვილი, 0. გოზალაანთ ანჯელა, 0. ჯუღელი აღამალა, 0. მემოდნის ხუცესს ტერსიმონას დამიწერია და მოწამეც ვარ. „აგერ აქ ზაალ ნაზირი, ხაზინადრობის უფლება ჰქონია და ავთანდილსაც ქალაქის მელიქობა. მეორე სიგელი ქკნს. ტუჰ, 1710 წ. ამ სიგელის მოწამენი მელიქი გიორგი, 0. მამასახლისი ფარსადანა, 0. ნაცვალი ქაიხოსრო, 0. ზარაფი სულხანა, 0. ამირჯანათ ბეჟანბეგი, 0. გურგენათ ფარსადანა, 0. გარსოვას შვილი მურადა, 0. იავანგულანთ მელქო, 0. მელიქ შერმაზანათ ფარსადანა, 0. ფარეში ასლანა, 0. ანჯელას შვილი ბაღდასარა, 0. როსტომაშვილი ბეჟოა, 0. ასლანბეგანთ ფასოა, 0. ზენალანთ ბუჟინა, 0. გოგინას შვილი ვართანა, აგერ აქაც ასლანა ფარეშია, ფაშის პირველი მსახური, გურგენათ ფარსადანას შვილი სპარსეთის სულეიმან შახს დაუდგენია მუხრანის უფროსის ასანბეგის მაგიერ უფროსათ მუხრანისა გურ-

გენ ბეგობით ახსენებს თავის მიცემულ სიგელში და ჯამაგირათ უნიშნავს ათ თუმანსა, ჩემი მამა პავლე და ბიძა იოსები სარაიდრები ყოფილან ფაშებისა, რუსებისაგან ახალციხის აღებისა 1828 მედარბაზნეთ ციხეში ახალციხელი ჰოროველაშვილი იყო, აქ მოყვანილნი სულ კათოლიკენი არიან, ასრე იცის კეთილშობილურმან მიმნდობელობამან სისხლის მსმელ მტერთაც კი დაიმოყვრებს. ასეთივე წყალობის სიგლები ჰქონდათ ვაჰრამათ, მაქანდარათ, იეთერათ და ტასნაკიანთაცა, თათრულათ მიცემული.

17. ხურსიძეებს ისე ოსტატურათ ექირათ თავის საქმე, ესენი ისე განაგებდნენ და მოქმედობდნენ; რომ ამათი მორიდება თვით ოსმალოებსაც ჰქონდათ, რაც შეეხება ფაშებსა და ბეგების კავშირს და პატივისცემას, და ესეც თავის ზომიერებით იყო. ნა გვ.


— თუ აგრე იყო, არ უნდა გაშორებულ იყვნენ ახალციხითგან, თავი უნდა დაედვათ ბოლომდისინ ფაშებთან ერთად ყოველ შემთხვევაში, მაგრამ ველარ შეიძღეს, სინიღისის გარედ ამტყდარმან უსამართლოებამან თავი დაავიწყა ყველას და უფრო წინმდგომ ისარლოებსა, ველარ მოისვენეს, ძილმოსვება გაუწყდათ, რომ გაამრავლეს თან და თან უფრო აკლებდა-აოხრება საქართველოსი ლეკებმან ღმიპყავდათ სხვადასხვა სოფლებითგან დატყვევებული დიდძალი ყმაწვილები, დიდი თუ პატარა, მათთან ქალ — სძალი, დიდი საცოდავება ტრიალდებოდა ახალციხეს ქრისტიანებში, ხედავდნენ ყოველდღივ დილა-სალამო გამოპყავდათ მეიდნებზედ დაბაწრულნი გასასყიდათ მრავალნი ტყვენი ტანთ შეხეულ-შემოხვეულნი, თავ ღია, ფეხ შიშველა, პერანგაყმაწვილები, შიშველ-ტიტველნი, თვალ ცრემლიანნი, შიმშილ-მწყურვალებისაგან დაბჟეტილთ პირში ზუთხი უწყდებოდათ, შესტიროდენ ყველა მნახველთ ცხარის ცრემლით, ისეთის საცოდაობითა, რომ იმათაც თავიანთთან ატარებდენ არა მარტო ქრისტიანთა და მაჰმადიანთა, იმავე გულქვა უწყალო თავიანთ მტარვალ მტერთაც ჰსძრამდენ

სიბრალურზედა, მათ ერთი ფეხით წინ ჩქარობდნენ როგორმე იფეფასად გაყიდვასა, თავითგან მოეცილებინათ, რომ იმათ საცოდავობისთვის აღარ ეყურებინათ! ამ ნაირი საცოდავება ახალციხის კათოლიკეთ ველარ მოითმინეს. შეკრბენ წინაპირნი და მოიწადინეს სულით გულით ჯეროვანი ღონე საშვალის ხმარება, რომ ესრეთი ბარბაროსული უწყალო კაცის ჭამლობა მოსპობილიყო როგორმე, ამაზედ შეიფიცნენ, გამართეს ხშირი საჩუმარი სჯა, რჩევა-მოლაპარაკება, ასწიეს-დასწიეს მრავალ ნაირათ და ბოლო მისი ამაზედ დაათუქნეს, რომ ახალციხის ფაშა უნდა გამოეცვლენებინათ ოსმალოს მთავრობისათვის და მის მაგიერ სხვა მშვიდობიანი ფაშა დაედგინებინათ ქვეყნის მმართველათ. ამათ მეთაურობდნენ კრუხიჭამია შვილები ეთარაშვილი, მაქანდარაშვილი და ვაჰრამაშვილი. მაწანწალა მათრეველა ლეკებს გარდა, ალაგ-ალაგ ხევობაებში ჩაეყენებინათ ცოლშვილიანი ლეკები სარწმუნო მეთვალყურეთ გარეთგან მიმსვლელ-მომსვლელთა, როგორც აბასთუმანს, ქვაბლიანს, აწყვერს და ხერთვის. ამ გვარ ლეკებში ერთი კარგი გამჭრიანი, გონიერი და კაცთმოყვარე ლეკი ერია, წამდგარი ფაშასთან და კარის კაცებთან დიდათ გავლენიანი; ამას ქრისტიანებიც უყვარდა და ბევრ საქმეებში ეწეოდა, იცვამდა და იფარებდა საკვირველად, მისთვის პატივს სცემდნენ და მიღებული იყო ყველასთან მამასავით, მხოლოდ დვინო უყვარდა და ქრისტიანებიც არ უზოგამდნენ. შეფიცულთ ყველამ ერთპირად ამ ლეკის გაფაშავება მოინდომეს. რადგან ოსმალეთში ფულის დახარბებით ფაშობა უკვე შემოსული იყო, ათაბეგების ჩამომავალი აღარ აცლიდნენ გაფაშავებას, თვითონ ხდებოდნენ ფაშებად. ეს ლეკი შეფიცულებთან მოიწვიეს ერთს ღამეს თავიანთ კრებაში, ჩამოაგდეს ბევრნაირი ლაპარაკი სულეიმან ფაშის ავკარგიანობაზედ, რომელნიც მან უმრავლესნი უფრო კარგად იცოდა და მერმე გაუმხილეს თავიანთ აზრის გარდაწყვეტილება მის გაფაშავებაზედა და სთხოვეს დათანხმება ქვეყნის სასიკეთო! მოუწონა მათ ეგრეთი

სასიკეთო საქმე, კარგათ გიფიქრიათო, მაგრამ საჭიროა გან-
ხილვა და აწონ-დაწონა ყოველი გარემოებისა, ვნახოთ შე-
იძლება თუ არა ასეთს დროს. ამაზედ დროება ითხოვა და
ასე დარჩა ერთხანს საქმე მიფანიერებული. მანამდის ამ ლეკ-
მან გაიკითხა-გამოიკითხა ყოველივე სანდო პირებთან თუ სიტ-
ყვით პირათ და თუ მიწერ-მოწერით აქ სხვაგან, სტამბოლს
ახალციხელ ნაცნობებთან და ყველასგან საიმედო პასუხი მიი-
ღო რა, გაუცხადა შეთქმულთ შესაძლისობა და თავის თანხ-
მობა, მაგრამ უთხრა: შემწეობა მინდა მე ფულით თქვენგან
საკმაოდ, რომ საქმე სისრულეში მოვიდესო. ისინიც დაჰპირ-
დნენ, ეგ ადვილი სამსახურიაო. შეჰკრიფეს თავიანთში რაც
შეეძლოთ და რაც არა, ეკლესიის ფულითგან შეუსრულეს
და გზის ხარჯის გარდა ოცდა ხუთი ქესა თეთრი მისცეს და
გააგზავნეს სტამბოლს. ეს კაცი მოკლე ხანში მივიდ-მოვიდა
გავლენიან კარის კაცებთან და გააწყო საქმე მარჯვედ. სტამ-
ბოლიდგან 25 ქესა თეთრი კიდევ მოხთხოვა, რომ ფაშობის
მფარვანი გამოვიტანოვო. ახალციხელებმან ის 25 ქესა თეთ-
რიც კიდევ გაუგზავნეს ახალციხითგან და მართლა აიღო
ახალციხის ფაშობის ფარმანი, შეიტყეს რა ნაცნობებმან გაე-
ხარდათ, ყველანი ულოცავდნენ ფაშობას. დღისით რომ ვერ
ხმარობდა ღვინოს-ღამღამე სვამდა ვიდრე მარჯვე დროს
ნახემდა წამოსასვლელად. ეს მისი ღვინის სმა ჩაასმინა ვიცლამ
მტრობით ვეზირსა, ეგ ახალციხეს გასცემს ერეკლე მეფესო,
ვეზირმა ჰკუა გასაჰრელად დაინახა, ჩაიცვა სათავდილო ტანი-
სამოსი ღამე და მოიარა სასტუმროები თითო თვითოდ. შევიდა
რა ლეკის ფაშის სასტუმროში, დაელაპარაკა თუ. არ ლეკი
ფაშას, მაშინვე შენიშნა ნასვამობა. ეს მოახსენა ვეზირმან
ხელმწიფეს და ხელმწიფესაც შეეფიქრა ვაი თუ მართლა მი-
ღლატოსო და აბასტუმნის (აბათუმნის) მაზრა მისცეს საფაშაო
სამჯნოდ სიკვდილამდის. ეს ლეკის ფაშა იყო რომ მღ. ფრან-
ჩისკეს არ უშვებდა ახალციხეს რომ აბათუმნის ქრისტაინენი

უმღვდლოთ დარჩებიანო¹⁾! ლეკის ფაშის გამცემელმან მალე აცნობა ახალციხის სულეიმან ფაშას ლეკი ფაშის ყოველი გარემოება, ფაშა მეტად გაუწყრა ახალციხელ კათოლიკებსა და გაიგო ყოველი ყოფილი, „ცხენს ვერა უყვეს რა და სცეს უნაგირსაო“! ახალციხელებს რომ ვერ შეეხო ქრისტიანთ დაბებს დაუწყო რქენა, ასტეხა ლეკები რა მიესივნენ ბარალეთს, ააკლებინა იქავერობა, სხვა წყება მიუსია დ. გოკიას სადაც 7 ეკკლესია იყო, იქ ბაბუნაშვილის ქორწილი ჰქონდა დიდი წილი გოკიელები ქორწილში ღებინობდნენ. შეესივნენ მექორწილეთ უწყეს უწყალო ჟღეტა, რაც მოხვდათ ხელში ქალი, სძალი, ყმაწვილი ტყვეთ წაიყვანეს, მისცეს დაბას ცეცხლი და ერთიან გარდასწვეს. აქეთ ოცხესაც ერთმან ფაშის დაახლოებულმან ურიების ხახამმან აღდგომა დღეს მისია წინაწინ განზრახულებით ოცხის კათოლიკეთა ეკკლესიაზედ გავუთენებლივ ღამიან, რა ეკკლესია შემოევლოთ გარედგან მღვდელსა, ერსა და შევიდნენ ეკკლესიაში წირვის მოსასმენათ, დაესხნენ თავს ლეკები, მოასწრეს შეიკეტეს ეკკლესიის კარი თურმე, სანამ ლეკები კარს გასტეხდნენ. ეკკლესიის დარნითგან მიწის ქვეშ ერი, მღვდელი თავიანთ სახლებში გალაგდნენ და გამაგრდნენ. მერმე შევიდნენ ლეკები და ცარიელი დახვდათ ის ეკკლესია. მობრუნდნენ, ის ხახამი მოჰკლეს და ურიების ქალი, სძალი წაასხეს ტყვეთა. (კარლო მღებაროვის მამა იოანე მოხუცი მღებარი იტყოდა რომ იმ დროს დედა ჩემი მ. თთვის სძალი ყოფილაო. მისთვის ოცხელმა კათოლიკებმან დასტოვეს ოცხე და აბასტუმანში შეიფარეს თავი, ერთ ხანს ახალციხის აღებამდის რუსებისგან. ახლა ის ოცხის ეკკლესია კათოლიკების რუსის ყაზახებს აქვთ). ერთ ზამთარს დარჩა ლეკი ფაშა სტამბოლს, ნააღდგომევეს მოვიდა ნუგეშისცა აყრილ დაყრილ კათოლიკებსა და შეაშველა მაჰმადიანებ ძმურად სახლკარის გაშენებაში სავაჭრო დუქნებს სახელოსნო-

1) თამარაშვილის ისტორია კათოლიკობისა ქართველთა შორის, 457. ს. 33კრდი.



ებში, რითაც საბრალო—სოფელი გარდიქმნა შვენიერ დაბათ, ოცხის მაგიერ¹⁾!

ძველი ხალხური ნათქვამი

ბარალეთს აღუაშვილისა სუფრა გაეგდო გრძელია.
ლეკები ჩამოუცვინდნენ, კარზედ დაუბეს ცხენია.
ცხვარი, ძროხა სულ წაუსხეს, ცოლშვილის წაგვრა
პრცხვენია

ადე ვაჟო გაიხედეთ, ჩვენი აქ დგომა ძნელია.
თუ აგვაოხრეს ერთიან. მოგწყდება ზურგი წელია.
თუ არა და თავს უშველოთ, გვიფარამს სახლკარ ძელია.
შევემაგრდეთ და დაუშინოთ ტყვია-წამალი ბევრია.
გათენებამდის ვისროლოთ, ცას მიადგება გენია.

ხ ა ლ ხ უ რ ი

გოგიას ცეცხლი ეკიდვის შიგ მოიხალა ქერია.
ლეკები ეცნენ აწყვიტეს, ძლივ მორჩნენ თითო ღერია.
ვაჟკაცები დაიჭირეს სრულ ცხვრულეზ დასჭრეს ყელია
ქალ-სძალნი ყრმანი წაასხეს, სულ გულით სანატრელია.
გაპქონდა ტირილ-ზრიალი, ფაშისგან დაყიდულია.
ხურნაჯის ქალი მიყავდათ, შვენიერ საქებურია.
ვერ გაძღა სიყვარულითა საბრალო უბედურია.

ახალციხეს 24 მაზრა ჰქონდა, სივრცით ათი დღის სავა-
ლიო. ოსმალურად. ა), აწყვერი. ბ) თრიალეთი. გ) ჯავახეთი.
დ). ხერთვისი. ე) აბათუბანი, წამხდარი ენით აბასთუმანი, ვ).
ფოცხვეი. ზ). არტანი. ც). ჩილდირი. თ) კოლა, ი) არტანუჯი
ია) ფანაგი. იბ). ნარიმანი. იგ) ოლთისი (ორმთისი). ივ). არ-
თვინის იე) სინგოთი. ივ). თავოსკარი. იე. კისკიმი. ის). პარ-
ხალი. ით) შავთეთი. კ). ფერდაგრაკი. კა.) მაჭიხელი. კბ).
იმერხვეი. კვ). ქვედა და ზედა აჭარა. კდ). თორთომ თუ სპერი.

¹⁾ ამავე წელს 1769, 11. მაის. პავლე ეპისკოპოზი ჩვენი მღვდლებით ეჩმი-
აწენში დაატყვევეს, ეკლესიები დაევიწყეს და ახალციხელი კათოლიკეები ცე-
ვეთ ჩაყარეს ციხეში.

ახალციხეს რომ ლეკი ფაშას დარჩენოდა, უთუოდ მეფე ერეკლეს მისცემდა ახალციხეს, როგორც პირობა ჰქონდათ ახალციხის შეფიცულთა, და ეს ხსენებული 24 მაზრა ერთიან საქართველოს შეუერთდებოდა, ტყვეობა, ტაცვა და გლეჯაც მოისპებოდა, დამშვდდებოდა ქვეყანა! 18. ასპინძის ომში მეფე ერეკლეს მესხეთის და ჯავახეთის ქართველ კათოლიკენი დიდათ ეხმარებოდნენ, ამ ომს, თვით ხურსიძეებიც დიდათ თანა უგრძნობდნენ და საიდუმლოდ დახმარებას აძლევდნენ. ჰ. ზ. გ.

— მაგას სახალხო თქმულება ცხადათ ამტკიცებს, აი როგორ?

დიდება და მადლი ღმერთსა, რომ გამოჩნდა ქრისტეს ჯვარი

ოთხიკუთხე სულ შეიძრა, თავი რუს ხელმწიფე არის.

მეფე ერეკლეს მოართვა სალამი და საჩუქარი.

ასრე მიყვარხარ ერეკლევე, როგორც ჩემი და და ძმანი.

შემწეობა თუ მოგინდეს აგერ ნახე ჩემი ჯარი.

მანც მადლობა მოახსენა, მეგობრობა შენი ესცანი

ეს ფაშები მაწუხებენ. ლეკია და უნიჩარი.

პატარა ხანს მოიცადა, შეიყარა გურჯის ჯარი.

ადგა და ქართლი შემოვლო. გაამაგრა ტაშის კარი.

ხეობაზედ შემოწვიპა, აწყვერს მოვა წინა ჯარი

შემოდგა აწყვერის ციხეს. შეუშალა ცალი მხარი

ესროლა და ჩამოყარა ბედნებიდგან ბაირალტარი.

ზეიდგან ტყვია წუწუნობს, ციხეში წყალი არარის.

ბაგალოი გამოვარდა, ყელ-ყური ჰქონდა დამწვარი.

იძახდა სულ გაგვიწყვიტა ლაშქარი, ღვთის რისხვა არის

ტოტლებინმან უღალატა, სხვას დაადვა თავის ბრალი

ზარბაზნები არ ახმარა, გაბრუნდა შურისგან მთვრალი.

მეფემ არაფრად ჩასთვალა, იმისთანა წუწკი, მყრალი.

აწყვერიდგან გარდავიდა, სპინძას მიმართა მწყრალი.

რაც აქ დაუკლდათ ლეკ-ოსმალთ, იქ შეუთავა ზარალი.

ბევრი მოწითული ჰყავდა, ხელ ფეხით ყაფლან მარალი.

გავიდნე ხიდი აჰყარეს, გაჩნდა იქ ჰარალ-თარალი.
ვერ გაუგეს მეთვალყურეთ, არა ვინ იყო ჰალალი.
თათრებმან შემოუტყეს, სულ არ იცოდნენ ვარალი.
ვერც წინ დაუდგნენ ვერც უკან. გაუცუდდათ ჰალლაჰალი
იშვირეს პირი, ხიდს ეცნენ, აყრილ იყო გასავალი.
პანტა-პუნტით წყალში ცვიოდნენ ქალ მაჰმადა და სარალი,
სალავათიც ვერ მოჰქონდათ გასტეხოდათ ისე თვალი.
ერეკლე ჩვენი ბატონი ასრე პატარა კახია.
ტანს რკინის პერანგი ეცვა, გაჰკრა ხელი და გახია.
რაც უყო ლეკ-ოსმალეხსა ჰალალია და ჰახია.
ხრამი შეუკრეს, თვითანვე თავსა მოუდგეს მახეა.
იქ დახვდა კოხტა ბელადი, მას გავარდა ორივე თვალი.
ეს ერეკლე გაითხოვა, აგერ არის საბურთალი.
ნეტა თქო როგორ შებედა, როგორ გაუმართა თვალი.
ორნივე ცხენ და ცხენ შეიბნე მწვე და თამამ და მურდალი.
ზედ შევარდა მოურდილად, ვაი მისი ბედის ბრალი.
რომ თვითონაც ვერ შეიტყო, გადავარდა ლეკი მყრალი.
მოდით ბიჭებო გავიყოთ, ოქრო, მარგალიტი თვალი,
ფარის ანგარიშს ვინ იხამს სულ ზოლათაა ახალი.
ერეკლემ არ მოიშალა ის თავის მუცლის ჩხვერაო
ადგა და წინ წამოუძღვა, მთვარე არიდგა ბნელაო.
ხერთვისის ხიდსა შემოსდგა, თოფსა არ გააქვს ძვერაო.
თათრებმა თავი დაუკრეს. წინ ვერ დაუდგნენ ვერაო.
ხანუმებმან გარჯობხედეს, პირზედ გადაჰკრათ ფერმაო
ვაი თუ ჩვენ დაგვიმძვირდეს, ამ სარაიდგან ცქერაო!
შენ ერეკლე ჰოქმიანო, ცხენ მალალ უნავრიანო.
შენი ნახოცი ლეკები, ასპინძის ბოლოს ყრიანო
ყვავი ყორანი ლეშსა სჰამს, კაჰკაჰნი თვალეხს თხრიანო.
ვაი იმათ გაჩენასა, რა გონჯ ალაგას ჰყრიანო.

სხვათა შორის ამ ასპინძის ომში დაიხოცნენ იასე და სე-
ხნია გვარამაძენი, მარხიან საფარის მონასტერში. 19. ყველა
ამ უბედურ საქმეებს ახალციხის და ჯავახეთის ქართველნი

მწუხარებით უმზერდნენ, 1770 წლ. შემდეგ. ხურსიძეების გვარის ზოგიერთ წევრთა სამრეწველო საქმეს მოჰკიდეს ხელი და მის მეოხებით ქართლსა და იმერეთშიაც იწყეს მოგზავრობა. 62 გვერდი.

— ლეკი ფაშის მოსკლის შემდგომ ჩამოცლილი ჰქონდათ ყოველი მამულები, არყის ციხის მიწაცა, მარტო საძვლის ყანები დარჩენილათ, ამას ამტკიცებს მათი სამარხი სასაფლაოანი რომ ჩვენ დრომდის მოაწიეს, 1853 ამდის იყვნენ, შემდგომ აზრუმიდგან გადმოსახლებულ საძვლელმა სომხებმან დრო იპოვეს და მთელი კათოლიკეთ სასაფლაოს ქვეები და მასთან ისარლოების სასაფლაოს ქვეებისა დაღეწეს, დაამტვრიეს და გააუჩინარეს. თავიანთ ეკკლესიის გაახლებას მოახმარეს, თუ რა ჰქმნეს კაცმან არიცის. დღეს არყის ციხის მიწაზედ 7 მოსახლე სომეხ კათოლიკე სცხოვრობს და რამდენიმეც სომეხ გრიგოიანი, ორ კერძოდ გაყოფილი აქვთ მისი მიწა თანასწორედ. ეს იყო მიზეზი რომ ახალციხითგან გაშორდნენ და ნელნელა აჰყარეს ხელი იქავრობას და გამოესალმნენ ერთიან. ის ერთი მწვერიც რომ დარჩენილა ოსმალოების სამსახურში მასაც თავისი გზა აქვს, ვინიცის რა გარემოებისგან, იქმნებაც არ იყო გარეული იმ შეთქმულ შეფიცულებთან!

20. ზემოდ ხსენებულთ ქართველ კათოლიკე ხურსიძეების შთამამავალს ახალციხეს საკმარისი ხმა და გავლენა ჰქონიათ და იგინი ყოველთვის წარჩინებული პირებათ ყოფილან მიღებულნი. 63. გ.

— სწორედ მართალი არის. აი რას ჰსწერს რომში პრაპაგანდას ფირალათ ანტონ მღვდელი: „ყოვლად საყვარელო მამაო. დიდათ პატივ ცემულმა უმფროსმა პატრმა, ლუიჯი პრაგელმან საჭიროდ დაინახა და გამოგზავნა მანა სამი ყმაწვილი ურბანოს კოლეგიის მოწაფებად, სამივე ჩინებული და ძლიერ კარგი თვისებისა, მეტადრე ყმაწვილი გრიგოლ კრუხი ჭამიანთი (ბატონჯანის შვილი), ამ ქალაქის საუკეთესო შვილია, სახლში ისეა აღზრდილი, როგორც უმანკო მტრედი, იმ თავი-

თვე სასულიერო სამსახურისადმი მოწოდება ეტყობოდა. თამარ. ისტორია 437. გ. გარდა ამისა ეკლესიის სინდიკებათ ხშირად კრუხიქამია შვილები იყვნენ სხვა და სხვა დროს, აგერ ერთიცა: “ მე კრუხიქამიანთ პეტროსა ირიცფოხანი წა. ივ. ნათ. მცემლის ეკკლესიისა ვამტკიცებ ამ წერილსა ჩემის ბეჭდითა, 1767. წ. იქვე. 440. გ. ასრევე საეკკლესიო შეწირულებაშიც პირველი ადგილი უჭირავთ. მაგალ. ღმერთმან შეიწყალოს კრუხიქამიათ ერეცფოხანი პეტროსაი და მისი მეუღლე პარუნაი, რომელთ შესწირეს იმ წირვის პერანგი და 1 ვერცხლის ბარძიმი. — ღმერთმან შეიწყალოს სერაპეტაანთ პეტროსაი, პატარა სიმონას ძმა ქაიხოსრო, მაქანდრიანთ ბატონჯანა, კრუხიქამიათ პეტროსას შვილი ოსება და დვირელი იოანე, რომელთა შესწირეს 1. ვერცხლის ჯვარი, — ღმერთმან შეიწყალოს კრუხიქამიანთ რძალი მაგდალინა, რომელმან შესწირა წმიდა იოანე ნათლის მცემლის ეკკლესიას ასი ყურუში. სხვაც მრავალი ამისთანა.

აქამდის ესცან საჭიროდ, სხვა ცნობებს აღარ შევხვები, რომ შორს წავა თვითოეულად გარკვევა, რაც მოგახსენეო ისიც მოკლეთ-გაკვრით შინაურულად და არა მეცნიერულათ. მხოლოდ დამრჩა ჭულების ეკკლესია და მას ზედაც მოგახსენებთ ცოტა რამეს. 21. ჭულების ტაძარი აღუგენის ახლო სძევს, როგორც ვიცით აღუგენის მებატონენი იყვნენ ხურსიძეები, ეს ჭულების ტაძარიც მათ მეგვარე ხურსიძეთა წინაპრებს გაუკეთებიათ, ეს ტაძარიც შესანიშნავია თავის დროის კვალად, ამ ტაძრის ისტორიასთან დაკავშირებულია აღუგენის მცხოვრებთ მებატონე ხურსიძეების გვარის ისტორიაც XIV საუკუნის ნახევარს იგი განუახლებიათ, რასაც მოწმობს ტაძრის შემდეგი წარწერა ხუცურად:

„შეწევნითა ღვთისათა და წმიდისა გიორგი ჭულაისათა, სრულ იქმნა ესე ეკკლესია ჭულისა ხატებითა მხატვრისა არსენა თბილელისა შეუნდოს ღმერთმან. ქს. ღია“.

— აღიგვენი უნდა იყოს და არა აღუგენი. ეს ტაძარი

უფრო შესანიშნია იმით, რომ მარჯვნივ დახატულ არიან წმიდა მამამთავრნი შვიდთა მსოფლიო კრებათა და მარცხნივ მთელი ერეტიკოსები და მათთან ფოტ პატრიარხიცა, რომელიც განიკვეთა და შეჩვენებულ იქმნა მე VII. მსოფლიო წა. კრებაში. იქარის მიქაელ კელურალიოცა, მარჯვნივ მრგვლივ მთელ წრეზედ აწერია დიდვრიანი ასოებითა: „მოვედით კურთხეულთა მამისა ჩემისათა და დაიმკვიდრეთ განმზადებული თქვენთვის სასუფეველი დასაბამიდგან სოფლასათ, რამეთუ მშობიდა და მეცით მე ქამადი. მწყუროდა და მასვით მე. უცხო ვიყავ და შემიწყნარეთ მე. შიშველი ვიყავ და შემმოსეთ მე. სნეულ ვიყავი და მომხედეთ მე. საპყრობილესა ვიყავ და მოხვედით ჩემდა! მარცხნივ ამის წინაღმდეგი აწერია მთელ წრეზედა: „წარვედით ჩემგან წყეულნო ცეცხლსა მას საუკუნესა, რომელი განმზადებულ არის ეშმაკისათვის და ანგელოზთა მისათვის და სხვაც სრულად. ამნაირად მრავალ თავად აზნაურთა სიგლებზედაც ხმარებულა საფიცრად შვიდი კრება, როგორც რკონისა და წულიკაძეების სიგელზედა, რითაც აღიარებულია კათოლიკე სარწმუნოება და არავინ აქცევს ამას ჯეროვან ყურადღებას!.. ამ ეკკლესიის დახატვა მოხდენილია 1372. წ, როცა თბილისში ლატინის რომის კათოლიკე ეპისკოპოზნი ისხდნენ ქართველ კათოლიკეთ მორწმუნეთ ამწვსიდნენ თავიანთ მადლიანის მცველ მფარველობითა. მთელ საქართველო სამე-სხეთოში. მხატვარი არსენაც მათგან გამოგზავნილი უნდა იყოს თბილისიდგან ხურსიძეების თუ ადგილობრივ კათოლიკების თხოვნითა.

ხოჯევანათ მისიონერი ივ. მღ. დღიურიდან

კრუხიჭამიათ ლუკა და ასლანა ქალაქიდგან ქუთისს მოვიდნენ. 1772 წ. 15 იანვარსა.

კრუხიჭამიათ ლუკა ქუთაისს მოვიდა 1774 წ. 2 მარტობისა.

კრუხიჭამიათ ლუკამ, სიმონა და მნაცაკანას შვილი ქალაქს წავიდნენ, 20 გიორგობ.

კრუხიჭამიათ ლუკა და სიმონი ქუთაისს მოვიდნენ, 1776 წ.
12 თებერ.

კრუხიჭამიათ ლუკა და ქაიხოსრო მეფე ერეკლის სიძეს
გაჰყენენ ქართლსა 5 მარტს.

კრუხიჭამიათ სტეფანე მოვიდა 1777 წ. ქ. ქუთაისსა.

კრუხიჭამიათ ტერგრიგორს პროვიქარობა მოუვიდა. (უმფ-
როსობა) 1779 წ.

კრუხიჭამიათ ბატონჯანა მიიცვალა 1784 წ. 25 ღვნ.

1786 წ. 4 თებ. კრუხიჭამიათ ტერგრიგორი მიიცვალა.

კრუხიჭამიათ იოსებასთან ლაპარაკი მომიხდა, მესამე დღეს
შევრიგდით 1791 წ. 13 აპრ.

კრუხიჭამიათ იოსებას ბაზასტანში დუქანი გაუტეხეს 1792
წ. 9 მარობ.

კრუხიჭამიათ იოსები იმერეთს წავიდა. ამავე წ. 29 ღვნ.

კრუხიჭამიათ ბატონჯანამ ქორწილი ჰქმნა ტერსააკის ქა-
ლზედა 14 დეკ. 1796 წ.

კრუხიჭამიათ ბატონჯანა იმერეთს წავიდა 1779 წ. 18
მარტს.

1799 წ. 11 იანვარს სელიმ აღის ბრძანებით კრუხიჭა-
მიათ ლუკას ქალის ნიშანი აკურთხეს აღექსანდრეთ მოქალა-
ქე ხუცებმან.

კრუხიჭამიათ ლუკას ქალი იმერეთს წაიყვანეს 22 თებ.

კრუხათ პარუნ იაკობი მოვიდა ამავე წელს 16 მკათათ.

კრუხიჭამიათ იოსები ერეცფოხნათ დავაყენეთ.

კრუხათ იოსები ამეშალა საყდრის კარზედ, მეორე დღეს
შევრიგდით, 1800 წ. 18 აპრილს.

